

მეჯვრისხევის საფეხურთო სტადიონს რეაბილიტაცია ჩაუტარდა

03 მაისი 2019

შიდა ქართლის რწმუნებული გიორგი ხოჯევეანიშვილი მოადგილესთან ამირან ქრისტესიაშვილთან, გორის მუნიციპალიტეტის მერთან და საქართველოს ფეხბურთის ფედერაციის წარმომადგენლებთან ერთად გორის მუნიციპალიტეტის სოფელ მეჯვრისხევში საფეხურთო სტადიონის გახსნის ღონისძიებას დაესწრო. „ახალგაზრდების ჯანსაღი ცხოვრების ხელშეწყობის მიზნით მორიგი სტადიონი რეაბილიტირდა. აღსანიშნავია, რომ სოფელში და განსაკუთრებით კი საოკუპაციო ხაზთან მდებარე სოფელში სპორტის მიმართულებით მნიშვნელოვანი ნაბიჯები იდგმება, რაც ადგილობრივი ახალგაზრდების სპორტულ ცხოვრებაში ჩაბმას გაააქტიურებს.“ - აღნიშნა რწმუნებულმა.

პროექტის ფარგლებში შეიღობა მოედანი და მოწესრიგდა სტადიონის საფარი, ასევე, დამონტაჟდა ტაბლო და სკამები. განახლებულ სტადიონზე ამხანაგური მატჩი გაიმართა, სადაც მონაწილეობა ვეტერანმა ფეხბურთელებმა და ადგილობრივი თვითმმართველობის წარმომადგენლებმა მიიღეს.